

四明叢書

張宗祥



張蒼水集附錄一

年譜

鄞縣全祖望紹衣輯

公諱煌言字玄箸號蒼水爲宋宰相張文節公知
白裔孫文節之後自滄州徙平江又自平江徙鄞
居鄞九世避元季亂泛海至於高麗明初始歸故
里時號爲高麗張氏張氏兄弟孝友世所稱雍睦
堂者也又六世生尹忠尹忠生應斗應斗生圭章
公之父也登天啟甲子科官刑部郎

明神宗萬曆四十八年庚申六月十九日公生

有作四日者訛

太夫人趙氏中年艱於子禱漢壽亭侯祠得異夢
生公故小字阿雲是年八月以後稱泰昌

熹宗天啟元年辛酉公二歲

是年遼左失事

思宗崇禎元年戊辰公九歲

崇禎四年辛未公十二歲

太夫人趙氏卒

崇禎八年乙亥公十六歲

補邑諸生時天下多故朝議欲重武略命學使者
於經義之後試以騎射諸生從事者新莫能中公
挽強弓拙矢連三發皆貫草意氣閒暇學使者大
奇之

崇禎十三年庚辰公二十一歲

公少好黃白之學嘗絕粒運氣困殆幾斃已而游
於椎埋爭勇之徒扛鼎擊劍日夜不息忽又縱博
無以償所負則私斥賣其生產刑部恨焉

崇禎十五年壬午公二十三歲

公舉於鄉

大清順治元年甲申公二十五歲

國難報至

順治二年乙酉公二十六歲

江南失守六月同錢公肅樂起兵邑中時浙東義
旗門出姚江則孫公嘉績熊公汝霖曾楷則鄭公
遵謙東陽則張公國維金華則朱公大典臨海則
陳公函輝慈谿則沈公宸基公奉監國至越詔以
翰林院檢討

張美翊家曰黃黎掌制誥兼行人司
州墓志銘作編修

事

錢公肅樂字希聲鄞人崇禎丁丑進士知太倉州
督師晉兵侍從亡入閩與鄭彩

許嘔血而卒諡忠介年四十二

孫公嘉績字碩膚餘姚人五世祖燧諡忠烈相如

游大學士登崇禎丁丑進士第授工部主事調職

方司郎中遭讒下獄從徐忠襄授易踰年赴為九

江道僉事乙酉大兵東渡閩六月九日東浙創為

卽墨之守歷官左僉都御史東閣大學士

丙戌六月二十四日卒于海外之翁口

熊公汝霖字兩殷餘姚人崇禎辛未進士知福建

同安縣事以考最補戶科出督上江漕糧敢言忤

旨謫福建按察司照磨南渡起原官晉吏科復與

權要不合因奉使歸乙酉起兵邑中是時江上方

王諸大將皆賴兵自守縮朒不前公身提孤旅從

小蠶徑發直抵海寧分營別汛浙西響應而諸將

無繼之者屯兵置守而還公軍最弱每戰多挫而氣益銳一時號爲熊兵果遷兵部尚書督師扈從入福建拜閣學時鄭建國彩專威權與平夷侯周鶴芝交惡公票擬恆右鶴芝彩恨之彩又與義興侯鄭遵謙相仇彩之部將李茂守琅琦與公奴子爭口蓋從亡諸臣之室皆保琅琦元夕公以休沐至琅琦熊鄭兩家同鄉相餽茂卽以合謀告彩公遂爲所害暨幼子俱投海中鄭公遵謙字履公會稽人僉事之尹之子儻任俠輕財嗜酒與東陽許都爲死友大兵南下僉人屈尙忠至紹興左都宗周曰凡逃官皆可斬也于守道穎字瀛長金壇人崇禎辛未進士遂繫尙忠以待公卽出而縛殺之因謀起兵盡縛降官斬之召故所結少年三千人與孫熊兩閣部應殺招撫使於江上迎監國至挂義興將軍印進伯分守小壘累捷有功方王爭柄公鬱鬱不得志江上失守福州遣使召之甫至公扈監國於長垣與鄭彩爭洋船交惡熊閣部死公不平彩恐襲已遂誘殺之

因赴海而死

張公國維字其四號玉哥東陽人天啟壬

戌進士官至大司馬相東浙尋死國難

朱公大典字延之一字未孩浙之金華人也萬曆

丙辰進士知章邱縣治最天啟壬戌入爲兵科給

事中轉工科又轉兵科逆奄用事出爲福建副使

轉參議以病去官崇禎三年起山東參政備兵天

津適有登萊之難遂晉右僉都御史巡撫山東晉

兵部侍郎兼副都御史流賊焚中都禍及陵寢詔

公以漕督兼淮撫攻賊以行軍不持小節於公私

囊橐無所戒謗大起御史姜琛等言之下法司勘

問公以功過不相掩請以家財募人勦寇公子萬

化募材武之士助之而許都變作公從京口馳歸

則許都已破東陽義烏浦江三縣進圍府城時浙

撫新任未至遷按左光先在江上推公主兵知東

陽徐調揆舊郅誣萬化以交通有狀公以縱子

通賊再被劾有詔逮治會國變而止後江上師起

時則張公國維與公主金華孫熊兩公主紹興錢公肅樂主寧波浙東之兵首推三府監國以張公輔政而公以閣銜建行臺督師閩中詔至張熊二公議弗受公與錢公謂宜受之兩議各有所執卒主張公議隆武聞亦授公閣銜公表謝張公與公分地治兵公轄金華蘭溪湯溪浦江張轄東陽義烏武康永康而方國安等以潰兵列江上縱暴無狀國安卒潰欲執監國以降監國航海遂引王師攻金華公堅守三月外無虬蟬之子援於是國安以大礮攻城城中亦以火藥禦之天兵日夜濟師而城中人漸疲紛殺坑塹城遂陷公麾愛妾幼女及萬化妻章氏投井死走與郡將吳邦璿何武二人入火藥庫中環坐公子萬化尙甚戰力盡見執有告者公子死矣公命從者舉火頃刻藥大發如地震王師反走火止

索公知在灰燼中矣

陳公商輝字木叔臨海人崇禎甲戌進士

越中初立公以少宗伯從事其後死節

沈宸荃字友蓀慈谿人崇禎庚辰進士考選山西
道御史馬阮亂政公連上十餘疏論時政安危得
失直糾士英十二大罪出爲蘇州兵備道後蹈海
死從兄其旋亦崇禎進士殉難台州時號爲一忠
順治三年丙戌公二十七歲

浙東失守富平將軍張名振守石浦棄之扈監國
至舟山威鹵侯黃斌卿不納名振乃奉監國入閩
適永勝伯鄭彩率聯標而行公留舟山

順治四年丁亥公三十八歲

公在舟山時定西侯張名振歸詔公以右僉都御
史監其軍是年松江提督吳勝兆乞師威鹵侯欲

卻之右都御史沈公延揚勸定西行公與馮御史
京第同往至崇明颶風大作全軍覆焉公閒行至
海上

公有送黃金吾馮侍御乞師日本詩 按日本乞
師之舉始於平彝侯周鶴芝鶴芝者號九玄福清
榕潭人也少讀書不成去而爲盜於海其人饒機
智齊輩皆聽其指揮嘗往來日本以善射名與撒
斯瑪王結爲父子日本三十六島各有王其所
謂東京者乃國主也國主擁虛位政令皆聽之六
將軍其三十六國王則如諸侯之禮撒斯瑪於諸
島爲最強與大將軍相首尾鶴芝尋受撫得官乙
酉閩中詔以水軍都督副黃斌卿守舟山其冬遣
人至墩斯瑪曰中國喪亂願假一旅以助軍將軍
慨然許之期以明年四月發兵三萬一切軍資戰
艦器械自備其國之餘財足以供大兵中卒數年

之用自長崎島主東京三千餘里馳道橋梁驛遞
公館皆大脩葺以待中國使臣之至鶴芝大喜益
以珠璣玩好爲賂遣參謀林鶴舞將命而斌卿止
之曰監國命余尙書惶來言此三桂之續也且不
見世宗之優患乎鶴芝怒而入聞日本待鶴芝不
至其意漸衰丁亥鄭芝龍降督師張肯堂乃行鶴
芝之說請安昌王恭楨行鶴芝遣其義子林臯從
之不得要領而還於是馮侍御京第自松江歸言
曰方北都借兵時尙有東南可乘今我無可失之
地比之前者不倫況世宗朝乃海盜耳我乞師國
王其又何害斌卿乃遣其弟孝卿隨京第往至則
適有歐羅巴之事初歐羅巴欲行其教於日本其
教務排釋氏所謂天主之學也日本倭佛乃盡殺
之埋於土中焚其船置銅板於通衢刻天主像踐
踏之囊橐有歐羅巴物搜得卽殺無赦歐羅巴精
火器發推數十里舉國來攻日本日本謝罪乃退
京第至長崎島則方戒嚴不得登陸京第朝服哭
於舟中會東京遣官行部加巡方者見之因收其

書撒斯瑪王聞長崎之拒京第謂大將軍曰中國
喪亂我不遑卹而使其臣哭於吾國國之恥也乃
議發各島罪人以往令孝卿待命長崎而遣京第
先還致洪武錢數十萬以助軍需舟山之行洪武
錢以此日本故多妓居大宅無壁以綾幔分爲私
室嘗日夜各懸琉璃燈諸妓爭賽琵琶孝卿溺焉
日本以是輕之出師之意中輟己丑有僧湛微自
日本來爲蕩湖伯阮進述請兵不允之故且言金
帛不足以動之誠得補陀山寺慈聖藏經爲贄則
兵必發進與定西侯張名振疏請以澄波將軍阮
美爲使齎經以往其王聞之大喜已知舟有湛微
則悲湛微故嘗犯法於日本日本法不殺中國僧
有犯則遂再至則戮及同舟
始知爲其所賣遂載經而還
公有和黃虎癡承制強曆韻詩 初閩中班詔至
越江十諸臣會議朱相國大典首奉詔具表稱謝
錢相國肅樂言今日事宜合力不宜遽示爭端張
相國國維恐猶人心力持不可熊相國汝霖亦以

爲然遂罷開讀之禮由是頗生嫌隙馬士英又構之已而相繼失守諸軍皆至海上鄭招討成功自以福州舊官不欲推奉監國用路相國振飛留相國櫻討援天祐天復例頒東武四元曆以文淵閣印印之時錢相國頒魯大統曆海上遂有二朔

順治五年戊子公二十九歲

公在舟山鄞故主事華夏等乞師威鹵侯請公偕行至則事泄謀內應者被執不克而還

華主事夏別號默農鄞人爲諸生時卽受知於倪文正公元璐黃文忠公道周乙酉與董主事志寧陸觀察宇燾張職方夢錫等同起兵于邑中所謂六狂生者也錢相國肅樂署爲監軍降紳謝三賓惡之謀敗其事不克遂與夏深讐夏之在江上不受官丙戌遜歸里中謀再舉時馮侍御京第密連

慈谿義士聚眾夏與焉復爲三賓所告遂拘獄中以賂得免已而復乞師于舟山以屠主事家營弁爲應并聯李侍御王職方軍三賓聞之大懼陰竄得帛書告于巡方夏被執庭鞫詢其同謀對曰大行皇帝造謀某見殉難諸忠臣共焉在獄神色自若遇害時夏夫人聞變絕粒夏母尚在堂夫人奉甘旨如故既聞行刑卽密語夏諸友託以遺孤時議逮及妻子林時躍詭出瘡子以聞而匿其子于家夫人手杵米數斗脰

進其姑因從容投繯云

公有挽屠天生兵部詩

屠主事獻宸者一名宸

鄞人乙酉棄諸生走江上從熊閣部汝霖孫閣部嘉績軍時寧波尙未起兵也郡中師起復歸傾家助餉已而失守匿于曾王父大司馬之故居與華主事等謀再舉時故居已半爲營弁所踞海道中軍陳天寵仲謨者皆北產也屢邀獻宸過飲醉後感慨故國事歎曰勿謂吾輩異國實皆故閣部史公舊將也當維揚決別時閣部各屬一印相誓曰

異日無忘舊盟此爲左券卽從衣領中出閣部印以示獻宸且指天曰公若能招海上軍以薄城若吾輩不翻城應者有如此日獻宸大喜會與華主事謀洩爲降臣謝三賓所告而諸父相繼被逮矣已而海師入海道孫枝秀曰海師不發矢第仰視城必有內應令諸營嚴守凡巷口市隘皆以馬兵紛馳有妄出者卽射殺之天寵等不敢動師退獻宸遇害方庭鞠時獻宸誓死不承天寵等得無恙然天寵等左右獻宸之力亦多

公有挽楊仲瑤張美翊案曰海東逸史作瑤仲廣文詩 楊推官文琦者鄭人諸生乙酉以流寓閩中得與隆武從龍恩充貢舊例以推官用進補監紀推官丙戌與弟御史文璜間道鄭華主事之謀舉兵也文琦實爲介紹聯絡李侍御長祥王職方翊兩軍其後謀洩被逮時文琦適出城不獲遂逮其父有勸之遁者曰俱亡無益文琦哭曰天下安有倡義而陷父於理不顧而去者亟赴之抗辭不

屈同華主事遇害文

琦夫人沈氏亦自縊

公有挽董若思明經詩

董主事德欽者鄞人石

都御史光宏之孫大兵南下德欽納衣領于文廟

哭而焚之錢閣部起兵邑中以家財助餉華主事

慈谿之獄德欽以千金脫之方事之殷德欽與屠

主事皆謂華曰人心不可知慎勿輕易託以肺腑

華性坦直卒用是致禍其時同謀十人爲首惟董

主事志寧得脫辛卯死于舟山之難王評事家勤

杜秀才兆祉偕杜秀才懋俊施秀才元於相繼遇

害

順治六年己丑公三十歲

公募軍結寨於平岡時蕭山會稽臨海天台慈谿

奉化之間山師大起惟公與李公長祥王公翊軍